

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

TS449/3934(8)

海珠寺

丹霞盛時海天雄
縹緲危樓接斷虹
古殿香雲爇
展瀛春朝時捲半江
空軍聲舞會青
塔外客路長
回白羽中漏下不須燃
佛火僧人自有夜珠江

登北城望粵秀山

茶花展氣入烟蘿
燕蓋初停白玉珂
千巖珠光在
水漲半山紅映木
棉冬日高樓影翻樓
風起雲
月動海嶼北
指越王臺
何在雄關寂
寞竟如何

海珠寺

丹霞臺峙海天雄
縹緲危樓接斷虹
古殿苔侵雙屐濕
春潮晴捲半江空
軍聲雜沓青榕外
客路裴回白羽中
漏下不須燃佛火
鮫人自有夜珠紅

登北城望粵秀山

茫茫蜃氣入烟蘿
飛蓋初停白玉珂
千頃珠光春水漲
半山紅映木棉多
日高幢影翻樓觀
風起營門動海螺
北指越王臺
尙在雄圖寂寞竟如何

二

哈佛大學漢和
圖書館珍藏印

嶺嶠風烟壯北門
岩巖三壘海天尊
捲簾燕寢餘香在
吹角江城戰馬屯
青草瘴時憐黯澹
白雲山色變晨昏
殊方人物登臨裏
遠客全銷萬里魂

三壘遙峙城北有白雲山

舟發羊城

南海歸舟天上坐
一帆春水御風還
鈞簾自繞羅浮嶼
隔岸回看粵秀山
榕葉陰中開祖帳
嶺雲深處望鄉關
身輕喜捲詩書去
晴晝雕籠放白鷗

劉持平撫軍嚴玉寰都護餞余海幢寺

揚舲西下海天晴
幕府歌驪柳酒清
笳鼓迎風兼梵響
山厨列饌出侯鯖
田橫島上春潮落
羊祜軍中組練輕
萬里星槎揮袖去
嶺頭回首故人情
嶺南喜晤唐巖長
同年又携酒送余
江中夜

深為阻賦此志別

握手官衙聽雨新
鴈行喜對嶺南春
五千里外燈前酒
七十年來海上人
敢道臨邛能重客
須知隔世倍情親
聞君閉戶耽高臥
為我巾車罷釣綸

二

春江漠漠見花飛有客輕帆振袂歸火樹燒殘萍
跡合相晤在樓船戰後故人稀班荆每惜當岐路
下榻誰憐老布衣那更候潮中夜發扁舟追送一
樽違

留別芝五省元

吾宗雅擅五噫歌十載青山臥薜蘿寫賦久傳京
雒貴著書爭遜茂陵多珠江傾蓋花初放星漢歸
帆水正波嶺表才名君第一袖寒倚竹畫雙蛾

留別何玉其孝廉

玉其持齋又每贈余藏書

河梁遠送落帆初第五名高玉不如居士自依蘇
晉佛容裝許借茂先書年來懷刺頻彈鋏爾後移
家更結廬今日扁舟江上別南天烽火重踟躕

歸舟漫興

海鳥蠻雲載畫船隔江何處問花田枕柳雨罷催
鄉夢薜荔烟開見楚天木客晝藏春霧裏鬣更晚
動亂峰前歸人翔舉如黃鵠不用深林聽杜鵑

二

牙檣北逐鴈鴻群人去紅亭倚夕曛五岳芒鞋生

壯色四山花氣漲春雲蠻方瘴癘和愁散客路風
烟度嶺分十載江湖銷戰伐戈船此日又移軍粵
出防蒼梧

舟中留別諸門人

草草歸人雪滿頭群山飛雨泛春流鶯花路繞過
三水師弟天涯聚一舟客倦欲同鷗鳥狎林寒應
有鷓鴣愁聯翩賴爾衣冠在早晚勲名動帝州

二

南天烽火事如何北望曾無鴈字過風裊春帆腥

雨急涼生客鬢嶺烟多丹砂莫更尋勾漏銅柱誰
當繼伏波歸去吾衰雲臥穩好音待汝寄巖阿

贈曲江吳元躍孝廉

十三歲登賢書出余同年陳岱清之門

韶陽童子掇科名倒屣翩翩玉骨清鄉里久騰江
夏譽關門爭議濟南生有無秘帙傳金鑑早晚宮
槐聽曉鶯亡友當年稱得士對君重憶舊琴聲

雄州尹二為少受先大夫之知首倡入祠

賦此志感

尹曾令韓城

庚桑故地嶺南隅歲久猶思郡大夫飛檄類占星

使到登山肯令峴碑蕪舊從墨綬稱關尹能守師
門是漢儒良友天教雙劍合并州此日勝粉榆

贈溫伯起學博

亦先君詩人

四十年前總角看春江白首話悲酸亂餘剝有芝
蘭臭老去仍淹首藉盤孔李他鄉重剪燭貢王隔
世喜彈冠先人舊好多搖落努力鱣堂健羽翰

留別金繩武制府

天涯促席趙佗臺惆悵轅門笳鼓催千隊犀文親
擁出片帆嶺客賦歸來庾公豈乏登樓興馬援終

多聚米才軍令如霜談笑裏紅螺蘸甲刺桐開

雨霽過平圃

交州迴權晝遲遲風物依然隔歲期天遠雨暘真
不測舟暄蜂蝶最先知素螺女肯憐孤客紅槿花
常歷四時平圃青青春色徧韶光何計慰支離

贈陸孝山郡侯

侯力請表章先大夫

榕綠蕉紅嶺色分廿年五馬滯江濱春風更泄新
膏雨父老能歌舊使君敢道烝嘗齊召杜于今兄
弟讓機雲舟停桑柘陰陰裏治郡功名海上聞

輓程貫三處士

不見盧鴻舊草堂我來萬里倍神傷
一床遺籍經春雨三尺孤兒泣夕陽
度嶺尙期鷄黍話浮雲忽掩少微光
他時憶汝滇江畔落月還應滿屋梁

輓尹俠仙學博

君喪明猶修郡志

著書未就死生分憔悴當年鄭廣文
異地余憐同白髮窮途子竟阻青雲
春來泪墮山陽笛少小名空冀北群
風雨匆匆催客去那能澆酒看孤墳

留別遲默生學憲

畫省含香漢大夫臯比嶺外擁生徒
清風不畏貪泉酌淵客難藏合浦珠
悵別春林聞格磔論文蠻語辨媿隅
須知王會車書遠自昔瓊山有大儒

暮抵南安仍宿舊寓水閣其家方婚

郡郭蕭蕭識舊遊晚江風雨待歸舟
尋巢燕語仍前壘度嶺人來自廣州
暖動隣墻花下燭寒生鸚鵡水邊樓
三千里外春無賴鄉夢頻驚戰伐秋

王蓼航邀登鬱孤臺并示詩集賦贈

春到虔州色早妍鬱孤臺畔草芊芊
柳帆歸興衝

江雨油幕登臨話楚烟水雪卷携紅燭夜鄉關愁
動暮笳天鴈行珍重河梁酒花落鶯啼已隔年

灘路喜晴

半挂蒲帆日未斜輕風柔櫓畫無譁海城飽食枕
椰麪虎落晴開枳殼花舟子下灘真絕技征夫過
嶺似還家經旬霧合江村雨乍喜蜂喧入碧紗

恭和蕭孟昉臥病以家集見詒蕭有研隣春
浮遯圃諸園最爲名勝舟過不獲往遊賦
此寄贈

每從蓮社載籃輿水石翛然近市居快閣劫餘存
勝蹟中郎沒後有藏書青春伏枕檐花放白恰高
吟桂影踈獨悵歸帆風似箭那能執手話樵漁

二

遠翠晴沙入畫樓庾詵十畝想風流徑荒更築辛
葵塢客到長依杜若洲投轄一樽供坐嘯擁書萬
卷比通侯不須春屨蒼苔破讀罷新編勝臥遊

送羅弘載歸越

蘭橈酬唱每開襟髯客臨風動越吟海外文章推

健筆江東烟月醉高岑花明子舍銜
盈日雨入章門折柳心旁午軍書須自愛羅含宅裏聽春禽

江上與陸恂若言別

青翰舟乘五兩風臨岐吳客返江東
長携藥物蠻烟裏同繫鄉愁戰馬中
榆莢雨來蓴菜滑桃花水映鱖魚紅
移家佇待三秋棹莫戀蘭陵舊酒筒

送呂松若門人之錢塘

春江並載綠陰繁今向西陵何處村
歸棹幸先火米熟戍樓愁見燧烟昏
人從畏路憐分袂鴈斷炎

州有及門花月六橋佳麗地漫因芳草滯王孫

章江道中風雨夜泊

風雨空巖豺虎驕孤村暮角夜寥寥
春愁不共花枝放健骨旋從鬢雪消
江上烽烟驚處仲漢家將率屬嫖姚何人談笑圍碁裏洗甲天河靜怒潮

章門遇方婁岡館丈兼懷邵村

帆落章門夕照黃龍眠客在喜如狂
劇談舊事兼新事促席元方憶季方
世路飽諳憂患後蒯緱躑躅羽書傍
多君綵筆能成賦帝子樓中望楚鄉

清明舟中

章江淼淼織晴烟
檣燕輕風雨後天
水市粥香調杏酪
田家日煖取榆錢
一年芳景春將暮
萬里軍聲客早還
過眼鶯花思故國
綠樽紅袖滿東阡

上巳江行

久客逢時倍愴神
青畦又見菜花新
恨無芍藥拋吟卷
賸有魚車理釣緝
垂柳千絲三月曉
嚙枝百舌九江春
采蘭何處遊遨地
水畔于今幾麗人

二

晴江如練綠烟重
伏枕虛聞剡口鐘
遠客衰容窺鏡懶
漸闌春色對花慵
夢回河朔餘千嶂
帆挂潯陽第幾峰
漢使歸來多戰伐
剡誇馴馬醉臨邛

三

落盡梨花杜宇飛
馬當山削掛斜暉
竹深浦溆啣村小
柳暗江魚咽絮肥
修禊誰能邀酒伴
避喧人自掩柴扉
烟波讓與天隨子
悔不先栽荷芰衣

四

迎梅雨霽大江西
叢筍春深有鳩啼
頓遜酒杯憐

物換羅浮宛粉著花迷黃塵千里勞飛輓白芷三
湘梳戰聲御袂飄然五嶺客星灣回首黛眉低
舟入大江不及由武林姑蘇悵然賦此

吳門東望水瀾瀾雙槩何由過劍池鶴市烏啼春
雨後處正殿前落花時渡江桂楫歌桃葉踏節金
鈴舞雜枝欲訪吾宗高士塚空聞三尺傍要離

二

久擬西瀛裝柁看使歸幽興已闌珊林逋鶴去山
還存蘇小湖荒柳未殘花雨滿開三竺曉酒旗風

動六橋寒富春見說如圖畫難覓嚴陵舊釣灘

皖城偶感

皖城戰馬散空壕江上春風透客袍人去雕梁虛
燕壘雨拋苔砌冷山桃遺鈿瑟瑟珠花黯懸鐸鏘
鏘塔影高猶憶諸生爭問字重來閩井半蓬蒿

讀王雲從學博敝帚編

文章江左推尊宿開帙光搖午夜燈首着盤中淹
薛令孝廉船裏識張憑霸才爾自操鞭弭大雅誰
當繫廢興四十年來老博士青衫手板骨峻嶒

皖江阻風得見家書

一江風雨滯歸期誰把純鈎理亂絲綺閣落花埋
錦瑟津亭飛鳥避旌旗白頭浪裏春愁晚丹鳳城
邊字到遲何處林香多醉客高眠閑煞里中兒

二

鯨北雙魚寄好音天涯歸客尚浮沉倦携鉛槧榮
春思晴挂鱗蛸感別心江路賦窮長帶草燈篝坐
暖辟寒金秋千院落梨花月多恐離人黯不禁

過蕪湖

蠟磯細雨渺春烟博望乘槎入漢年帆落天門新
估客江橫鐵鎖舊樓船詩才謝氏青山在樂府桓
家白苧傳懷古傷離無限思楊花如雪筍如拳

二 蠟磯廟祀孫夫人

蕪陰花氣暖如薰傍渚鴛鴦護縠紋執事風流存
六代歸船春色占三分珮邊香縷孫權妹節下江
聲陶侃軍漸近故鄉心倍切不堪回目赭山雲

梁山坐月

蛙聲滿耳起遙汀入夜微茫三五星千里雲烟歸

勝地一舟笑語解忘形平江月到天門白極目山
從謝眺青事業齊梁渾寂寞春衣薄怯露泠泠

采石磯

千年牛渚草蕭蕭供奉風流自不遙被酒尚留明
月影燃犀誰照暮春潮菰蘆烟火連三楚金粉江
山過六朝細雨鳴榔嗟往事謫仙樓在客難招

二 磯上有賞詠亭

采石烟霏下舳艫倚江削翠一亭孤何人泛月聞
佳詠當日揮戈有壯圖鴈去不傳雲外信帆遲相

狎水邊鳧萬花正值昇平會銅虎分兵又渡吳

金陵道中

東南形勝自江淮百戰河山稗草埋結綺歌殘銷
玉樹景陽鐘歇堊金釵天畱蒼莽騷人句地入歎
歎吊古懷士女如雲聞嘆鶴春郊問却踏青鞵

抵白門

十年懸夢大江東天外人歸似海翁謝傳墩縈葑
草碧莫愁家怨棟花紅雲連建業迹荒壘閣閉臨
春問故宮簫鼓秦淮仍昔否鳴蛙兩部夕陽中

二

負弩紅亭驛使來海風送客冷城隈低垂盧橘當
窓出暖入含桃帶露開粉堞春雲生畫戟長干烟
雨見樓臺空江三弄誰邀笛燕子磯前白浪回

寄錢塘令家姪承篤兼懷徐電發

小阮分携又一年書來頻問大江邊春潮夢憶錢
塘弩瘴海歸停白下船乳雉有無馴越嶠征輦消
息隔吳天偉長近日詩盈篋爲乞山陰九萬箋

寄懷汪蛟門

客來嶺表路間關知爾麻衣泪欲斑同調每思千
里駕春帆早過二梁山鄂君繡被愁烟冷陸續輕
舟有石還惆悵觀濤虛舊約何時剪燭破塵顏

二

去日新詩贈遠行珠官回首幾含情五溪又褻南
征甲一客方依丙舍耕青草瘴中全病骨白鷗汀
畔望蕪城歸裝不及汪倫別愁聽江頭杜宇聲

次韻酬劉潛柱同年

潛柱約遊長干寺不果

良朋遲我話長干七載離群聚首難塵袂敢辭蓮

社約鄉心悵失竹林歡客從海上探蛟室君向江東戴鶡冠一曲驪駒容易別冶城紫氣鏡中看

雨中寄懷方邵村侍御

邵村歸自嶺南姚若侯屬余寄書余三人

皆同甲子

一棹歸乘萬里流方干寂寞臥江頭臺城花發聽今雨河朔樽開感昔遊隔水頓艱同甲會去年曾作致書郵多君五岳皆圖畫湖海頻登王粲樓

陳旻昭同年諸公子過江來晤念其家貧兼

悼亡友仍用潛柱韻

江左孤兒不妄干每嗟八口計艱難路逢葛屨誰相問餅憶紅綾舊結歡繡佛長披居士服立談便著惠文冠一林石筍今安在墓草青青雨後看

偶感

由來明月在揚州子晉吹笙此地留玉燕上釵三婦艷金丸落鳥五陵遊丹青錦軸克行筍燈火春宵醉畫樓一代豪華流水盡祇今猶說富平侯

二

前溪一曲舞腰輕挾瑟佳人白石城十里香凝絲

步障五侯餉合玉盤鯖田文座上鷄鳴客虞氏樓
中采擲瓊燕去烏衣空甲第邗溝花鳥若爲情

三

日煖泥融走鈿車江頭唱徹後庭花櫪閒騾褭金
羈絡獸壓香爐玉辟邪翡翠鈎垂弘靖宅珊瑚樹
出季倫家竹西何事喧歌吹不種東陵五色瓜

四

隊隊紅粧細馬馱鳳臺消息竟如何千盤客饜銀
絲膾七寶花園白苧歌醒酒石欹秋蘚蝕縷金裙

疊暗塵多蕭條衣桁毬塲冷無復春風入綺羅

與昭性家兄話別

刻燭聯床話路岐吾兄新廢蓼莪辭難將金錯還
官庫漫負紅顏忤畫師子舍泪懸雲黯處山樓目
送鴈歸時殘春去住俱多感別恨無端若柳絲

醉翁亭

瑯琊春岫鬱蒼蒼木末孤亭俯大荒照水影留梅
榦老落英風入釀泉香龍蟠片石停飛蓋客眺雙
峰縮夕陽想像昇平賢太守簿書暇日問滄浪

徑壑逶迤歲月深琅玕十畝愜幽尋層巒環向群
賢地飛檻登臨萬古心鳴鳥幾經呼醉客聽泉更
上步高岑征車漠漠黃塵裏把臂何年許入林

豐樂亭

林霏開處古亭尊萬壑千峰赴郡門文螭弄晴風
落果黃鸝懶轉屐雨痕櫻桃樹底前賢碣流水聲
中太守樽自昔南譙多戰伐烟霞歷歷到今存

關山

周師破皇甫暉處

山入淮南多壯色陰厓絕壑起樓臺當年金甲啣
枚度此日芒鞋拄杖來石磴中分雙壁斷天門誰
鑿一丸開清流關下漸漸水戰地於今半草萊

滁陽吊吳玉鉉中舍玉駟黃門

薇省仙郎墓草疎黃門琴絕泪沾裾世傳榜下填
箎奏篋有焚餘痛哭書兒輩喜同李亞子茂陵不
見馬相如看花舊侶多凋謝忍過山陽問故居

池河驛

陰陰柳市下青帘倦倚高樓鼓角嚴歷盡瘴烟仍

魚村詩集
古驛聽殘漁唱報更籤乍寒客袂風穿牖細滴歸
心兩入檐車馬衝泥堪計日何人傳語慰香奩

白鷓鴣

海南語鳥最分明素頂蓮花頃刻生玉剪謾誇飛
燕潔晴波不羨白鷗輕洲邊索句留崔顥筵上抽
毫悞襴衡羞向隴山矜翠羽人間獨重雪衣名

紅鸚鵡

五色休將綬帶猜珊瑚鏤翼絳雲開朱樓對奕枰
先亂繡幔聞呼夢乍回疑有燭龍銜火照似從淵

客泣珠來金籠宛轉元堪醉不用紅螺作酒杯

嶺南

紅螺狀如鸚鵡可以作杯

西洋犬

丹眼霜毛自海西狎人恥與旅葵齊
獨兒亂局金鈴小黃耳傳書白草迷
簾外吹時春夢斷花間臥處午陰底
閒來馴擾薰籠畔錯認香烟吐玉猊

濠州雨中送春

廉纖山雨濕征裾何處蒼烟是故廬
九十青春孤枕過三千白髮瘴江餘
淮南賓客萍同散西楚風

雲事久虛木筆開殘鶯漸老北來不見一行書
何子昭侯遊楚不遇貧寓廣陵書來相問走

筆慰之

一紙書來別思長十年作客老何郎豈因詩興留
官閣誰慰鄉愁治橐裝三楚雲山空歷歷五湖烟
水正茫茫仲宣漫縱登樓日枝上啼鶻未可忘

初夏

曠曠曉驛野雲空新夏晴烟入望中地過東吳梅
子雨夢回南海石尤風文章信得江山助客路方

知罨畫工綠暗長亭春已去有人攬鏡怨飛蓬

二

甲濕南方易白頭高原風日古濠州晴沙故道征
人泪細柳移軍少婦愁鶯管出墻新筍籜巾箱下
鎖傲貂裘一年又遇清和節鄉國初槐上畫樓

悼滄葦侍御

海陵甲第盛簪裾早歲聲華冠里閭水石清寒名
梓澤樽壘追琢重璠璣錦題玉軸南唐畫蠶繭縹
囊宋代書朝露頓晞豪舉盡故人白首涕漣如

乍聞臥病隔江關生死論交動旅顏傲骨俱曾爲
逐客同心今又失仙班楊家繡幔金鈿冷桓氏青
驄玉絡閒他日黃公壚畔過舊遊蕭瑟邈河山

過商丘

鬱鬱新槐原上村野農趨市趁朝暎採桑紅女蠶
眠箔催賦青苗吏在門巡遠尙聞遺戰壘鄒枚誰
復吊吟魂兔園依舊蕪蕪綠寂寞梁王好客樽

會亭驛晤德徵母舅時方引劄乞養

燒燭津亭話苦辛一官南北共風塵折腰已倦三
年吏犯斗初還萬里人自有畬田供菽水漫言高
調奏陽春相知按劍尋常事且看浮雲倚杖新

遊白雲寺

白雲傍郭隱林臯暫息車塵客興豪香發菜花侵
檻入翠生叢竹拂檐高三時梵唄停晨課四月風
光放晚桃今古宋城詞賦地松門獨步益蕭騷

睢州留別王公垂兼懷葉元禮

時元禮已歸
松陵

尚憶霜天袂乍分王郎過我話斜曛漢臣歸問梁

園侶吳客還看笠澤雲玉塵門風忻未墜綠陰斗
酒悵離群故人倘訊南行事爲道囊無論蜀文

雍丘驛署何旣白年伯馮蘧海同年芝三家
兄夜集三公齒俱高皤然相對亦客中嘉
會也

孤城暝色暗河梁宣髮朱顏共一堂星聚重占荀
氏里客來獨拜德公床談諧抵掌看龍馬風雨開
樽集鴈行此夕便爲耆舊會疎燈寒驛有輝光

留別王弁伊先生

又從杖履綠楊天二豎春來喜霍然佐縣早辭升
斗祿閉門苦辦大農錢頻親藥裹添雙髻尙有雄
談動四筵珍重離亭須強食莫因家計礙高眠

大梁懷古

前驅鼓角戍樓晴萬井烟花古汴城執轡市中遊
俠地銜杯臺畔濁河聲玉津園廢蛙鳴晚艮嶽雲
埋草色平零落憲王新樂府夜深誰炙紫鸞笙

曉渡黃河

去日秋帆有鴈過四時風物易蹉跎家山隱隱還

牽夢沙草青青又渡河一水中原嗟力盡十年築
舍借籌多幾行烟色長堤柳愁入宣房瓠子歌

遙望蘇門

容城孫徵君僑居百泉

衛水湯湯有釣磯共城佳氣曉依稀幽棲康節居
仍在教授蘇門客未歸半嶺鸞聲孤嘯出亂流珠
湧百泉飛飄然心傍行山麓安得携筇入翠微

湯陰晤王東臯侍御

依依柳畔暫停車好友班荆日影斜指畫動關天
下計門屏不異野人家臣心如水能觀物封事飛

霜舊觸邪期爾祥琴須早奏於今海內正紛拏

渡滹沱

沙路垂鞭客興殷故園鳥語隔堤聞人歸趙苑顏
初定馬渡滹沱樹乍分親舊下車詢過嶺書生短
後學從軍盈盈一水渾如昔北望晴開大茂雲

次韻酬陳藹公

春來廟略罷歸藩萬騎呼嵩動海門炎微敢辭鳶
跼墮夜郎原識漢廷尊流連詩句清風至俯仰江
山故址存漏下金臺重話舊玉關早入聖人恩

二

西風銜命去南州楚粵烟嵐一櫂收江上俄傳
蘇峻壘海邊頻眺仲宣樓時艱芻秣勞輸輓年少
弓刀取列侯半載遊踪初弭節潺湲無恙古蘆溝
三
新詩如贈繞朝鞭歸路初暄芍藥天何意軍書煩
盱食漫論樽酒釋兵權千盤瘴嶺單車入萬里貪
泉一酌還執手故人頻問訊泛槎曾到斗牛邊

送竇元著侍御言事歸廣平

我來愁聽渭城歌逐客青門意若何故國三春饒
薜荔惠文一疏砥江河許身敢惜高堂在解網終
歸聖世多海內共聞容強項承歡歲月是恩
波

送黃蘭巖憲副之寧夏

十年郎署著書成分泉居然塞上行久佐度支資
石畫早據邊略奏金城隴西豈乏封侯相淮海長
懸將母情去矣建牙多壯節賀蘭山色自崢嶸
劉魯一謫官家居書來相問以詩寄謝

一別紅亭嶺路長聞君解帶臥滄浪力爭汲黯河
南粟頓下周昌御史床遠客風塵憐瘴海同官書
札自柴桑懸知闕閣丹青富永日烟雲滿後堂
送姚陟山門人請告歸吳興

扁舟吳客去清班潞水炎風振袂還三載人違若
上月一帆雨挂道場山寒曹索米催愁鬢澤國徵
兵動旅顏自昔金門容大隱漫將藥裹滯江關

新秋適平圃巡檢至言嶺南近狀有感

新涼又動帝城秋却憶輜軒嶺外遊東去海濤

驚到眼北看江月恰當頭山川恍入槐安夢樓閣
真疑蜃氣浮歸後風烟詢故吏日南花鳥至今愁
廣州望月在人頭上

送陳祺公少叅之粵西

擁節分藩桂嶺西驪歌聲裏夕陽低瘴烟藤峽開
千嶂組練樓船壓五溪孤劍遠隨寒鴈度秋帆曉
聽鷓鴣啼南征早晚標銅柱幕府須君彩筆題

贈錢珥信武選擢山東學憲

仙郎起草玉壺清新擁臯比海上行秋色自來華

蘇本詩集
不注遺風猶見魯諸生
頻難官燭論文日舊借前
籌下瀨兵爲道四方多戰伐
有無童子請長纓

寄懷杜子靜館丈

西風搔首悵離群
明月圓時苦憶君
客路樽罍纔袂合
帝城萸莢又秋分
抽毫應有閒居賦
授鉞頻移細柳軍
求舊聖朝方側席
可能高臥隴頭雲

送戴絲如比部出守南雄

懷香畫省吏如仙
熊軾新稱太守賢
買犢炎方銷

戰伐塞帷嶺路隔風烟
滇江持節重遊日
燕市飛鴻送客天
寄語雄州諸父老
紅亭揮手頓經年

送門人王麟仲中舍歸山陰

兼懷姜定菴京兆

青門歸去狎烟波
惆悵西風散玉珂
久傍車茵稱相客
時親藥籠病維摩
潞河汀畔秋雲擁
宛委山中戰鼓多
京兆故人頻寄問
驚心羽檄近如何

贈張致堂比部視學粵東

比部平反法網疎
嶺南今見擁高車
文星一洗欃槍氣
炎徼爭傳鄒魯書
到日鮫珠來合浦
映人海

月滿前除此邦自昔多奇士莫遣孤寒老蠹魚
送魏雖伯侍御視兩淮漕政

繡衣使者拂霜風六傳秋驅戰馬中抗手薊門紛
落木懷人邗上托飛鴻都亭舊著埋輪譽轉餉仍
煩煮海功鹽筴淮南成弊事須教豪右避青驄

秋日偶成

節近重陽木漸凋閒雲漠漠雨蕭蕭羞將白髮酬
時序未有黃花伴寂寥鷓鴣曉迴沙磧影魚龍寒
偃暮江潮西風却憶南行日馬度秋山第幾橋

九日

清砧一片起斜陽極目關河秋思長幾處登高淹
醉客漫因多難佩萸囊伏波故道鴻難度戲馬荒
臺草欲霜短髻蒼浪逢戰鬪南征何日下沅湘

送解繭石視學江南

鎖院論文藻鑑姝又看擁傳過三吳人稱清白關
西學世號衣冠江左儒驛路黃花迎使節春風絳
帳列生徒由來竹箭東南貴收取良材亦壯圖

重陽後二日宋蓼天侍郎召飲黑龍潭同魏

環溪侍郎

城隅飛閣傲秋風，好友相將命酒筒。
樹隱千門殘照裏，窓開雙闕暮烟中。
黃墟俯仰情何限，畫檻登臨目未窮。
客醉鳥啼看倒載，接羅爭唱兩衰翁。

二

東華塵外得林臯，飛蓋聊紆案牘勞。
選勝地偏憐夕景，持籌利未析秋毫。
池波杳渺蛟龍沒，壇影參差鶴雀高。
宋玉才名能好客，風流獨媿酒徒豪。

送鄭元闇中舍從王師赴江南

杖策南征書劍寒，孔璋名譽動長安。
舍人今作王門客，醴酒應於幕下看。
身傍江湖秋浩蕩，籌兼家國事艱難。
鳴笳亦有從軍樂，恨少黃金飾馬鞍。

送李華西中舍從軍汝南

談笑從軍數舉杯，營門吹角畫旗開。
三千座上同讐客，十九人中脫穎才。
露布行看磨盾墨，儲胥長自護風雷。
隴西門第君休負，朱鷺歌成馬上催。

送洪琅友中舍從征江右

西清仙吏下黃扉，新製軍中短後衣。
身近天潢裾

漫曳營開細柳鳥驚飛揮毫幕府堪傳檄轉戰章
江報解圍莫道書生無壯事征南叅佐自光輝
同年李吉津訪雪海於中山書來相問却寄
懷人對月幾徘徊忽到雙魚剪燭開抗手十年燕
市別將車千里太丘來入門知爾忘賓主好友何
緣半草萊避地一椽聊共適中山酒泛菊花杯

送白仲調進士歸秣陵

秣陵才子鬢華侵旅食長安有越吟被酒能談鉤
黨事論交不易歲寒心六朝山色餘衰草千里江

聲入暮砧幕府于今需景略漫從岐路怨浮沉

初雪

去冬雪中飲滕王閣

退食蕭蕭雪入門虛檐落木晚雲屯乍寒樓閣烟
中沒集霰河山戰後昏老去傲貂猶畏薄憂來濁
酒喜餘溫片帆回首章江畔風逐水花亂客樽

上三立同年歸翼城以詩畱別次韻奉贈

舊侶風雲散玉墀一官落拓事堪疑歲寒條蘆霜
飛早木脫燕關馬去遲白羽驚心岐路話青山有
夢故人知憐余衰鬢畱京輦目斷河梁罷酒時

贈袁杜少卽次原韻

美人徙倚鳳城隈故國冰霜首漫回亡命誰憐張
儉困忤時終識稱衡才醉餘綵筆休成賦客到黃
金尙有臺潦倒一壺須努力未應如子臥荒萊

二

空齋寒籟響疎籬讀爾新篇罷酒卮何事弋人驚
鴈羽况當客路近葭吹舊交意氣論千載多故乾
坤此一時我亦曾經投杼後不堪重見楚臣悲

送尙元長郎中權上江驛鹽僉憲

裊裊飛旌出薊門河梁曉色雪霜繁江程燧息舟
車達牙帳風清使節尊籌餉辛勤推計部傳家忠
孝是王孫于今吳楚疲供億寬恤應令識主恩

富川劉令殉節詩

報國寧捐七尺身令君餘烈動朝紳當風勁草憐
孤掌灑血蠻天有一人越石笳聞多涕泪常山舌
在自嶙峋書生蕞爾闢名義貂錦空傳杖鉞頻

送梁園歸蘭陽省覲

仙郎愛日賦歸與古道寒侵薄板車筦計自饒天

府貢過庭應授豹陵書嘉平社鼓水霜裏子舍春
風洗腆餘爲訊吾兄當健飯驛亭頻憶剪燈初

初度大雪次趙鐵源館丈見贈韻

濫從英少 帝京遊萬里歸來又一秋寒夜燒燈
絲管咽浮雲過眼歲華流吟成漫喜風吹絮愁劇
偏憎雪滿頭今夕銜杯真可醉隔年人倚粵江樓
去年是日在雄州

送陳緯雲歸宜興

十年顛顛比蘭成詞賦爭傳伯仲名風雪旗亭文

酒會燧烟江上故園情春回燕市銷殘臘客返荆
溪聽早鶯梁苑季方曾把袂英遊雨散幾沾纓

甲寅除夕

迎年燈火映窓紗一夕春風滿漢家休沐又傾除
夜酒暗香仍放嶺南花棲遲日月添衰髯戰鬪河
山減物華似水門屏聊守歲傍檐殘雪薜蘿斜

乙卯元日

晴烟片片護堯封夔燭披衣聽曉鐘 帝里鶯花
開氣象殊方風物志遊踪早趨北極雲中仗還看

西山雪後峰白髮更逢多難日何時洗甲課春農
元夕諸門人集邸中觀燈沈康臣卽席賦二

詩次韻

鳳城明月到衙門燈夕初開雪後樽風雅中原諸
子在酒壚舊好幾人存當筵晴煖占天意退食從
容識 聖恩唱出陽春驚四座招賢東閣媿公孫

二

六街寒柝報更籌洗盞須將令節酬轉戰江干吟
越客剪燈酒半說吳鉤雙鬢誰續旗亭會萬里新

歸博望侯回首尉佗臺上月蠻花羌管入鄉愁

送邵戒三學憲之江右

文旆翩翩柳色新仙郎此日逐風塵澄江挂席大
邊使絳帳談經戰後人帝子樓仍來暮雨斗間氣
自動高旻豫章舊號名賢地徐孺亭前薦藻蘋

送吳曉岳門人歸海鹽

潞水蕭蕭楊柳天紅亭極目悵晴烟冰霜擁戶悲
書帙愁病支床盡俸錢鄉夢一樽江驛酒春風二
月舍人船武原蓴菜雖堪憶莫漫棲遲白羽邊

送何子受員外歸山陰

桃花水漲命輕舸天上初歸舊版曹
藥裹每憐莊鳥病星槎同泛粵江濤
西河汨逐春波溢秦望山餘戰壘高
珍重臨岐須強食故鄉草竊尙如毛

夏日袁六完納言召飲城南園亭

安邸別業也

朱邸名園水榭尊千章樹色翠當門
披襟獨召忘形容選勝同開避暑樽
塘靜魚翻新荷葉林幽鶴立舊苔痕
醉來移櫂斜陽裏疑是江南薜荔村

二

翛然傍郭有滄洲竹裏紅泉竟日留
車馬幾探雲外徑風塵一上水邊樓
歌臺花落頻啼鳥柳幔陰多好放舟
不是袁絲能愛客白頭那逐少年遊

送趙鐵源館丈典試粵東卽次留別原韻

簡書萬里漫生愁馬度桑乾綠滿溝
此日文星辭北闕隔年漢使到南州
蠻花醉客番禺曉江雨開帆章貢秋
粵秀山頭多勝攬高吟須上五層樓

樓名

二

趙嘏詩名滿 帝城喜看乘傳嶺南行論文自結
珊瑚網簾閣還聞戰馬聲畫舫香來當荔熟鳴瀧
秋晚正波平一樽遲爾春宵話載得羅浮片石輕
閏五月十六日 王師凱旋 上迎勞於南
苑曉降大雨移時晴霽成禮而還恭紀
風吹南苑畫旗殷仗鉞東征振旅還黃幄曉開迎
鶴陣紅雲晝護集鷓班天河乍洗軍中甲霽色初
回雨後山虎拜侍臣頻送喜策勲此日勳 宸顏
送史子修門人省覲歸深陽

投金瀨上故侯居有客懷歸命筍輿千里白雲親
舍夢十年綵筆史臣書宮袍 賜沐香猶在法醞
承歡日乍舒寥落芳蘭看雨散細旃啓沃莫令虛
哭湯千里年姪

當年捧檄悞儒生八口飄搖萬里程旅櫬幾人憐
故舊瘴鄉一死未分明傷心妻女窮途泪回首琴
書下榻情如子豈應淪異域問天無計每沾纓

苦雨

風聲挾雨透疎櫺簷霤淙淙盡日聽觸幕尋巢潛

燕雀侵階積水下蜻蜓頰愁屋漏苔痕長乍覺龍
拖海氣腥入夜不眠拋卷坐小堂篝火自青熒

送紀孟起職方典試豫中

仙郎銜命奏驪歌八月微霜曉渡河帷幄新推
樞府貴衣冠舊屬洛中多梁園詞客爭高唱古汴
秋風動晚禾行矣進賢應上賞天心近已厭干戈

喜舉次子

朝來弧矢喜當門湯餅筵開露下樽拄笏正看新
爽入留賓恰有舊醅存人經憂患輕榮辱齒近衰

殘急子孫此日景升聊自慰弄麀錯寫更何論

題朱邸書屋

朱邸池亭長綠苔晴窓窈窕傍花開擁書北牖秋
雲度過雨西山好月來隆準親嘗居肺腑兔園客
自有鄒枚東平家訓真能樂暇日林香入酒杯

輓門人沈康臣

珥筆才名高秘省祥刑雨露徧園扉爭傳沈衆工
詞賦何意休文減帶圍月冷空床遺稿在櫬歸水
驛塞鴻飛一官未達今黃土白首風前泪濕衣

二

秋蟲露下泣黃昏猶憶春宵聚及門愁劇吟詩曾
擊鉢官貧好客屢開樽爲郎忽赴修文召有賦難
招羈旅魂夙昔臨池窮八法他時竒字共誰論

九日登靈佑宮閣

振袂登樓數鴈行城南疎樹落微霜兵戈老去頗
經眼歲月殘時一望鄉高下烟光迷遠燒叅差宮
闕入斜陽步虛臺畔秋容好紅葉離披總斷腸

贈郝雪海再補侍御

冠豸峩峩世所宗新從遼海返孤踪都亭重喜看
強項 聖主元非好畫龍身歷艱難青鬢在憂深
家國皂囊封知君夙有安邊畧廿載西南罷戰烽

次韻寄酬徐電發

脩脩紅燭夜調笙老大驅車紫陌行仰屋何闕天
下計寓書每識故人情冰霜歲暮催容鬢風雅中
原讓友生共道孔璋工草檄祇今湖海未休兵

二

兩載江干戰血斑美人問訊破愁顏西陵鼙鼓軍

儲急笠澤烟波釣艇閒七子鄴中誰獨秀五噫庶
下我難攀多君嘯咏湖山曉風雪旗亭被酒還

三

掛席曾乘萬里風倭遲歸路半彎弓新詩一寄菰
蘆裏鄉夢頻回戰馬中吳客漫吟柳酒綠征人愁
對杜鵑紅可憐四海瘡痍甚拊髀應思頗牧功

四

冰雪遙傳一卷書挑燈喜色動衣裾賦成梁苑人
空老客重臨邛事豈虛市馬空終收駿骨垂竿興

已到鱸魚何當携手燕山畔把酒春風滿做廬

送孫開盛中翰歸四明

舍人春水泛棠舟送客燕山有敝裘傑直幾年淹
秘省從軍三尺佐邊籌江程隱几汀花放故國疎
烟戰鼓收到日舞衣頻問寢甬東鮭菜足銷憂

親藩書屋

暖回金罍晝無譁綠滿樓臺竹影斜萬軸牙籤開
曉色一簾春雨度窓紗竒峰秀出羅浮石瑤草分
來上苑花帝室藩屏興禮樂鄒枚漫作兔園誇

有本詩集
贈平子遠次貞庵相國韻

春雪霏霏上短裘酒壚客散偶遲留當時誰問馮
驩缺衰髯仍登王粲樓故國心嘗懸埃火醉鄉名
自比通侯窮交漫下羈人泪泌水衡門有舊丘

送陳說巖宮詹祭告北鎮次徐徕庵韻

擁傳宮僚下鳳城遙將玉帛重陪京戰餘沙磧寒
雲暗春到盧龍海氣生橫笛梅花歸健筆寒帷獵
火按邊情鑿問東望開千嶂應有山靈護節行

送楊爾茂宗伯祭告嵩岳

旆捲東風漢使車秩宗奉璧自天家春深早綠河
堤草祝罷還看少室花落下衣冠閑禮樂中原謠
俗問桑麻多君不淺登臨興繡袞頻沾嶽麓霞

送任海眉司寇祭告楚粵

南鴈初迴薊北天侍郎飛檝破春烟薦馨鄂渚軍
聲裏弭節羊城燧火邊萬里法星臨楚甸一鞭蠻
雨暗花田禮成會見群靈集山海朝宗鳳闕前

送王子言少詹祭告畿內諸陵

暖動蘆溝翠色鋪詞臣銜命下平蕪山光曉帶

黎陽樹雪霽新成督亢圖春草荒原嘶石馬諸陵
坏土護樵蘇采風三輔輶軒通行矣嘉言佐
謨廟

送熊子布令邯鄲

薊門殘雪曉風和之子分符趙苑過洛水波生春
色迥叢臺鴈度月明多儒家作吏文無害畿甸栽
花政不苛學步橋邊仙跡近垂簾訟少對烟蘿

送程蕉鹿僉憲視學浙中

洗甲東南進譽髦海邦水鑑借文豪帆檣細雨芳

湖潤絲竹春風絳帳高官燭兩行搖綵筆清霜三
尺砥江濤孤寒此日爭投袂吾道應歸舊版曹

送勞書升僉憲視學山左

語溪才子擁臯比輟草容臺去馬遲春入齊烟供
坐嘯帷開嶽色對銜卮明湖暮雨篝燈夜魯國諸
生問字時戰罷河山興禮樂澤宮莫使草離離

相國專征

河山百二倚長城貴相新兼上將行八陣高名諸
葛壘九重按轡亞夫營荒原磧冷飛鴻集落日

風多聽馬鳴好問壺漿秦父老曲傳鏡吹靜櫂槍
送邵瞻兩僉憲視學江南

幾年畫省著清譽似水門屏世法疎薊北風雲雙
旆下江東詞藻六朝餘河梁贈策同蘭臭午夜論
文畏簡書康節家聲君自貴盡令寒士借吹噓

題新安江氏雙節冊子

早洗紅粧罷綺羅懷清臺上自嵯峩同心共對青
燈夜兩世交賡黃鵠歌掩泣月明人獨紡存孤事
了髣雙瞻天都舊是名賢地寶婺星臨白嶽多

送興若孝廉歸廣陵

興若公車以例阻未入

阿咸頻過話斜曛忽漫離筵袂又分咫尺頓淹千
里足逡巡終識五花文他鄉孤夢聞窸雨歸路雙
飛有鴈群無恙揚州烟月在平山堂畔看春雲

送芷公孝廉下第歸廣陵

蕭蕭書劍下蘆溝莫歎明珠更暗投燕市驅歌花
外度雷塘春色雨中收吾宗家世羞然竈南國才
名入選樓歸去雞窠須自愛墳篋奏已動 皇州

贈佟儼若公子之江右

年少垂鞭玉絡輕，虜刀我欲贈君行。
侯家氏族貂蟬貴，公子風流硯几清。
馳檄軍中磨盾墨，挂帆天際數江程。
趨庭好佐樽前畫，朱鷺歌成入漢京。

送春次張敦復春遊韻

春殘聞却紫遊韉，每憶河橋柳慢長。
俠少輕衫金彈小，旗亭詞客玉鞭忙。
塵中物候驚雛燕，雲外歸心問野棠。
烽火極天芳景暮，栗留聲急菜花黃。

送吳篤生學士歸里

詞臣揮袖問山靈，每歎同心聚若萍。
十載宦途塵

滿席數椽客况，戶常扃風驅古道槐。
村綠雨暗鄉關麥，瓏青落落晨星君。
又別醉中吾黨獨誰醒。

送許文石妹丈歸里

五嶺同遊客，思迢來聽舊雨。
興翛翛騎驢燕市水，初泮襍被中山綠。
滿橋老去晴窓搖彩筆，夢回飛檝泝江潮。
還家賸有相如壁，濁酒殘書伴寂寥。

送何天咫舍人扶侍歸曹州

炎風又促舍人裝，親奉潘輿驛路光。
方朔漫嗟饑欲死，茅容自有饌堪嘗。
錦衣薊北初歸客，落日曹

南舊戰場却憶梁園多雨散及門半已臥滄浪
贈韓珠崖館丈歸娶

詞臣旆下五雲邊三十人中最少年早見春穠桃
李日歸逢並蒂芰荷天花圍絳燭分蓮炬帳吐香
猊帶御烟堂上雙星如健鶴齊眉含笑綠樽前

二

歸客翩翩冰雪姿送君斜日放杯遲金闈初罷梁
園賦湘管新成京兆眉負弩鄉關稱錦畫催粧麗
句寫烏絲鳳簫吹徹秦臺曉携手高堂問寢時

輓孫北海先生用環溪韻

不見長安白髮翁論交風雨更誰同空留遺稿鷄
窠北無恙藤陰鳳闕東齒入香山圖畫裏名高元
祐黨人中典型寥落頻回首廿載床前拜德公

送王子厚黃門引疾歸里

前年送客賦新詩又是河梁悵別時病骨屢辭青
瑣貴素心頻與白鷗期英游問字憐萍散子舍承
顏喜晝遲多故中原難久臥班行蹇諤九重知
綬德馬孝廉見過劇談移晷賦此爲贈

開軒有客自西秦指顧能令耳目新捫虱輒闕天
下計班荆初染洛中塵地當戰鬪生奇士話到肝
腸似故人何事馬周爲郡吏籌邊高畫尙逡巡

送楊聖企 廷試歸濟寧

隔世通家意氣深相看各訝鬢霜侵康成門巷生
書帶伯起家聲絕袞金彩筆初瞻 雙闕影青氈
不負十年心津亭柳色東歸客每憶西州泪濕襟

送柯岸初侍養歸嘉善

衝暑陳情動 帝闈魏塘歸去問江村三公肯易

斑衣樂十載猶傳諫草尊澤國乍停新白羽雲帆
初返舊黃門臥看民力東南竭林壑能忘 北闕
恩

輓陳東海大都護

討賊孤忠髮上冠軍書間道達長安志存馬革邊
塵靜星隕營門朔雪寒饗士椎牛人忼慨棄家報
國事艱難出師未捷千秋恨他日碑從墮泪看

讀新安呂忠節公年譜遺集賦二詩弔之

新安遺直冠朝班蘭在當門自可刪再拜從容爾

碧血一堂黯澹碎朱顏里居著述叢芝發城郭遷
移獨鶴還莫道書生無壯事孤臣有氣作河山

二

濂洛儒宗濟世才修明絕學講堂開曾因強項違
時去數爲憂天抗疏來中壺盡能知大義遺書猶
可見風裁握拳透爪公何憾涕泪當年徧草萊

送孫屺瞻學士省覲歸吳興

驪駒曉發鳳城西江介歸心繫鼓鼙講幄每勤前
席對秋帆新逐去鴻低舞裳容與分宮錦法醞清

冷自箬溪啓沃細旃公等事莫耽問寢聽晨鷄

贈張青樵侍御侍養歸山左時有兄喪

暑雨紅亭拂袖歸西風遊子訪庭闈三年禁秘分
藜火五色編爛換繡衣驄馬市中人共避春令原
上鳥孤飛瀾瀾秋水芙蓉發膾切銀絲入饌肥

送王襟三門人令滕縣

征帆當日下章江遇子中流話客艤仗策來從文
獻地分符去近聖賢邦莫愁鄉國多烽火要使花
村絕吠龙清晝垂簾非俗吏他年治行定無雙

寄酬高念東卽次原韻時念東有炊臼之戚
良朋五載臥林丘奚事音書斷帝州伉儷乍因孫
楚重民生每繫杞人愁曲江舊侶渾蕭寂叢桂空
山尙滯留爲問深源何日起冥冥鴻羽已難求

二

萬事榮枯自化鈞懸知仙骨未沉淪逢秋漫灑存
亡泪吾道終闕出處身四海舟車疲戰伐九重
宵旰在編民持籌媿我無高畫林下輸君第一人
送徐彥和編修歸崑山

論文越嶠識儒宗忽賦歸歎客思濃蘭櫂正逢秋
水發靈萱喜對舞衣重承明去就闕烏鳥伯仲才
名動袞龍無恙江天烽火息玉山佳處採芙蓉

立秋

金井梧飄新雨後冷然秋氣入疎窓晴開小院雲
多變花發清籬蝶自雙倦客未歸滄海棹征人頻
擁碧油幢朝來露布天顏喜要領關西已受降

贈杜子靜中允

三匝烏飛屢卜居良朋此日拜新除人來吾道艱

難會官進前星炳耀初耳熱尙能論戰伐時危且
莫問樵漁花磚退食門如水齋閣焚香好讀書

輓艾長人大司寇

司寇臨歿爲詩十餘章人爭和之

同官廿載賦嚶鳴何事看君廣柳行東海于公惟
種德漢家庭尉舊稱平還丹未就黃金藥絕筆猶
傳白雪聲此日披帷人不見一林石筍自縱橫

送徐方虎編修歸德清用環溪韻

雄文獨步起衰隤天上俄傳侍從回諸葛無慚名
士日偉長自是建安才歸鴻曉逐驪駒發叢菊秋

聞桂楫開浮玉山中多勝賞孤城滿泛箬溪杯

送歸孝儀還虞山

挾策公車倦客歸新詩投我欲沾衣上林莫訝枝
難借郢曲於今和自稀繡被夢回霜相冷江村秋
盡稻秔肥烽烟滿目青山在虞仲峰前看落暉

送于岱仙司寇歸上谷

君家自昔起高門司寇歸來道益尊六月迴翔鵬
羽息一官進退 聖人恩秋携書卷凌霜露春轉
圓扉庇子孫嘯圃未荒三徑啓開簾好醉菊花樽

贈吳門施亮生鍊師

空山採藥徧烟臯老傍江湖一苧袍
名註上清留玉籍手回造化命丹毫
霞樓東去芝巖冷風馭西來鶴背高
孤劍橫秋霜月白步虛聲裏奏雲璈

九日登靈佑宮閣

秋老燕關白晝陰重來傑閣快登臨
千門細雨迷層堞雙闕寒烟度遠林
兵氣漸消天外信故山獨繫望中心
疎蘭叢菊能畱客其奈高城起夕砧

贈吳門施亮生鍊師

空山採藥徧烟阜老傍江湖一草池
名註上清詞玉籙手回造化命丹毫
霞樓東去芝巖冷楓葉西來鶴背高
孤劍橫秋霜月白步虛聲裏夾雲環

九日登靈佑宮閣

秋老燕闌白晝陰重未候關快登臨
千門朝雨送層埃雙闕寒烟度遠林
兵氣漸消天外信故山歸路望中心
疎籬葦菊能留客其奈高城起夕砧

